

兩

浙

輶

軒

錄

兩浙輶軒錄卷三十七目

湯憲 陳琦 王烈 洪彬 朱再揚

曹有成 王鏐 林漢佳 楊溶 黃宗銳

李孟鶴 李繼勲 樓容照 盧延梧 吳應璣

李爾利 王涵 李林 樓象春 趙名儒

金鑑 陳玉璫 何異蘭 徐錫禮 張灝

葛璇 陳寶琳 徐文心 鄭岳 張廷枚

胡承謨 宋圻安 邵宸 張守太 張鈞

林岳奇 曹祖佺 胡振鷺 方應龍 李鵬遠

許丹圻 蔣元龍 陶璉 田枌 沈世勲

柴廷甲 葉宗舒 章與會 吳兆豐 朱韓斗

朱彬 吳有榆 金孝懋 金孝純 金德輿

譚有淇 施禧 王復 韓世隆 厲志黼
邵志純 邵南 張理源 祝庚輝 馬以智
何聚焱 吳溶 俞思敬 方承傑 方國昌
李賢希 盧楓 陳廷璜 沈心醇 莫舜薰
汪名達 倪鳳儀 曾嘉祉 吳植 曹冲抑
金光烈 周璜 葉槐 錢開仕 余煜
陳琪 柯觀 趙之鳳 趙之榮 魏械
吳師澄 郎開泰 金熙泰

兩浙輶軒錄卷三十七

督學使者阮元

湯

憲

字吉甫號尹亭仁和人舉聯長子
優貢生充官學教習侯選知縣

周慶承曰尹亭博瞻典藉學有根本嘗從董蒲諸前輩
遊一時知名之士咸願交焉詩淵雅有法不自收拾恒
多散失

西湖漁歌

霜風削面綠蓑寒
冰斷茅家埠外灘
爲乞天公莫全凍
裏湖留得好投竿

一房山枕上聽瀑布

高枕酣然七尺牀
天教一雨送新涼
忽驚撼地濤聲壯
知是飛空匹練長
暗覺清流歸石澗
引穿百折到山房
黑甜自有棲神所
水樂終時已入鄉

秋曉

不信秋添爽空齋倦未舒放盃人去後拂簾夜凉初別緒醒
仍在歡情夢總虛縈懷十年事伏枕意何如

丁亥八月十六夜樟亭待潮聯句

月壯哉生魄

魚亭

江明初蕩采飛閣俯亂流

明齋

開窗面近海馳

神潮未來

石泉

枯坐悶誰解命酌惟村醪

尹隨

意列市醺方牀

七尺強

恒齋

圍坐五人在恰喜招何甥

魚亭

何甥

轉惜阻韓

買

謂魚亭之姪兼山相攜

江聲到耳喧

明齋

水勢極天駭蒲色

橫渺茫

石泉

波痕界明晦空青廓有容

尹隨

遠碧淨不改魚龍安

舊宿

恒齋

光景貫碎琲把杯吸洪濤

魚亭

仰首訴真宰瞻觀移更

西齋

明齋

更數逾亥夜靜問何其

石泉

風動瀾時乃俯仰神明渙

亭

展轉聲息怠勇觀弛初心

恒齋

餘慕戒中悔靈霄駕遲遲

或圍望每每迢遙鼉子東

明齋

迴漱龍山背回母暗翕張

石泉

根籠騫韃水力才卹然

尹

轟雷已振殆逆流三折奔

恒側听

千里遶須臾沒涯浹

魚

取次撼壁壘屑霄恣盪汨

則

浮翳快

濯灑朋遊赴夙期

石

沙信覺今倍須知秋正中

尹

勿以季孟

待恒齋

栗糕

分得曙字
二十四韻

西風吹碌碌刈黍方穰穰歡茲歲事登惜彼秋日除棲畝雲
屯黃落確雪飛素簪萸節正新獻糕俗乃故嗜味人其同方
法詳其汜雕盤粉試調瓦鼎湯緩注上手驚搏沙開面俄碾
絮未妨滌漉頻却已膠漆固撰之栗則佳飢彼糕若塑遂傾
樵人筐偶奪狙公賦破壳寧愁堅抉肉或恐蠹增累成魁堆
補綴等塗附密看漚影圓稀訝星光曙炊釜氣旋浮開籠香
已飫霏霏蜂翅霜馥馥花梢霧切以大食刀舉借青玉箸勻

圓鷺掌裁偈側圭角露餉莫遺比鄰分必先童孺輕旆襍色
標綵勝佳名著品偕寒具誇味恐牢丸妒入口飽猶貪買市
紛若鷺未許污酒漿儘可屏蔬茹施棗將毋同食祿果安據
聊學題饅人分曹摘遺句

王

烈字景武東陽歲貢生

餞觀津李明府歸養

室是文壇更是仙報劉其柰促歸鞭在官史獲書三異詣闕
人期借一年匹馬曉嘶紅雨驛雙鳬秋寫白雲天耐思尚有
東陽志公再來時好握椽

陳

琦字亦韓鄞縣諸生

古意

步出西門行曠望多阡陌桑柘自成村中有幽人宅黃鳥鳴

交交好風逗簷隙室中何所有大元與周易博爐火猶紅瑤
琴挂東壁殷勤叩童子知是烟霞客

洪

杅字琴山號曲與又號止齋臨海貢生官訓導

秋日田園雜興

秋至百蟲鳴駕言向田園林露漸蕭瑟菊花一何繁高低見
禾黍秋色滿郊原力作幸有成誰知雨露恩隔籬逢隣叟款
款桑麻言其云今歲好積儲遍蓬門努力各自愛還期古道
敦

朱再揚

字培緒號標沙臨海僑貢生官
美良州司著晏如居草不寐草

秋日山居卽事

深秋澹霽景坐對松竹清晚烟生茅屋隱與暮山平歸鴉集
遑噪返照殘霞明莫寫此間趣酌酒空餘情

雨折晴軒錄

卷三十七 五烈陳琦洪松林詩

秋夜獨酌

秋氣又將晚，知心有濁醪。到窗山月白，入戶草蟲號。燭暗憐形影，林殘撫鬢毛。悠悠忘夜久，起舞讀離騷。

曹有成

字玉汝海寧人

俞實華曰：曹有光弟有成，能詩，其稿散佚不存。

山寺

僧窗寥寂夢魂清，滿院松風佛火明。一線暗泉流不去，空山夜半作琴聲。

王

鏐

字吳冷一字漁村，鄞縣諸生。

送半村范丈謁選北上

方欣問字得揚雄，忽聽征駒嘶遠風。欲伴秋江鷗鷺宿，黑頭未許作漁翁。

林漢佳

字叔苑號葵
圖太平人

咸學標曰葵圃爲鶴巢子痛父塚爲勢家所發負
骨上控訟鏗產萬致兩目俱瞽抑鬱盡發於詩

苦雨

方春日苦雨蕭索閉門時天意固難曉物情良易悲典衣緣
好酒擁被苦耽詩誰念橋邊老梅花寄半枝

楊

濬

字仲源湯
溪諸生

九峯山

南山來自括屈盤三郡界磅礴數百里其勢殊未殺屈奇不
可遏節節出變怪臚爲九點峯出我意之外或背而獨立或
耦而相對亭亭殊體勢各各異姿態捫蘿陟其巔逐步森勝
槩飛泉注孤壑深秋尚分派石室啓半空巖闔少塵壒後徐
前龍邱精修抗不壞懷舊勳遐情意愜轉感喟幽遂未及窮

扶筇姑期再

尋梅詞

花作生涯草作柯能教寒冱變陽和可堪崇祀先蠶後忘却

開天黃道婆

黃宗銳

字晉西平陽貢生

陪錢太史遊仙姑洞

萬石瓊瓏似琢成仙娥海上駕鼈輕別開佛國大千界不落
洞天第二名烟雨欲迷鸞鶴影風泉猶帶珮環聲憑誰指點
瑤臺路好向層梯取次行

李孟鶴

字雲白號芝田永嘉人景寧恩貢生

仲冬遊普明謁素公次其雪後造圓明寺韻

清氣吐崇巖宜遊入幽麓徑轉兩三峯森然一林簇禪房隱

古樹高窗俯修竹道人與天徒形骸徒麋鹿偶過綠垣東觀
之向陽屋捫蝨搔背罷啖我半芋熟吾去亦何聞長嘯響空
谷飛鴻帶晚霞翩翩滿歸目

李繼勲

字若功一字地
山東陽諸生

鼉磯石硯歌

歛溪已空泚水絕洞磨不數青州鐵洋妃竊窺蓋有神鞭碎
鼉磯血鮐骨圍諸左海百寶生銳月成陰玉霏屑良工著手
細摩挲一縷猶銜龍尾濕巖窗日瞰足春意桃褪臘脂李飛
雲呼兒試墨燒松烟凝然氣浮疑可吸恍移龍巖蚌炕眼來
照華嚴不愁熱長江潑浪送清詞肯讓鳳池裁五色

樓容照

字月田東
陽諸生

訪徐古菴

天衢

兩浙輶軒錄

卷三十七

黃宗鏡李孟鶴李繼勲樓容照

五

吉菴先生性嗜潔不遺當筵席凡客松林湛寂屋三間窗匝
流雲夜凝碧我來促膝花攢燈乾肉硬餅磨牙能攤書趁曉
月西落嵐光簇地濃於澗

盧廷梧

字嶧山一字琴巖東陽監生

樓上居日琴巖癖於詩酒嘗慕孔北海為人故
坐客恒滿座不及中人而仗義輒爲邦族先

族祖金鉉公備兵建昌獻賊入閩家死之緣奉祀詩以

志事

公諱懋開乾隆戊戌
賜諡烈愍

川北川東焰忽張可堪黃虎此跳梁櫻城義憤歸兵備報國
丹心卓建昌名士容求銜壁活將軍剛重斷頭亡煥毛一酌
來

褒贈合許雙忠共享嘗

公父諱洪春以建言廷杖
昭光祿少卿事詳明史

吳應璩

字天齊東陽諸生

樓上層曰天齊爲肩鵲立性
善徵詩成輒置之無全稿

燕

柴門芳草日初斜
燕燕歸來水一涯
我未有兒君哺子
烏衣門第是誰家

李爾科

字廷元東陽諸生

金華詩錄廷元甫十歲道上見遺金坐而守之還其人
一時稱異年逾三十猶負笈從師室如懸罄勿顧也

烏竺嶺

羊腸路繞碧峯巔
馬首雲生咫尺天
油壁氣摩崖篆古
霜苔日射瀑泉懸
東西兩峴迷青靄
南北雙溪隔野煙
修竹半山風過嶺
樵歌幾處共陶然

王

涵

字南永號龍川永嘉藏貢生

遊陶成洞

山腰疑結化人宮，巖竇常留鬼斧工。
檐外星辰窺碧落，洞中日月問鴻濛。
到來心地清如水，行踏遊絲澹若空。
丹竈定知流石髓，誰教迷道似空同。

李

林一名學洙字文苑一
字木庵東陽諸生

錢塘夜泊

風擊檣烏樹樹秋，浪吞天處泊孤舟。
岸低潮欲掀吳越，山盡人纔見斗牛。
名士鑑湖留一曲，世家金粉峙山樓。
開帆便是蓬萊島，此日真成汗漫遊。

樓象春

字朝升東陽歲貢生

春日

世事了春夢，誰足勞其躬。
所以一樽酒，卧酌軒窗東。
沈沈遂竟夕，起領吹衣風。
草滋偃新綠，花老棲孤紅。
天靜日復晏，一

鳥飛摩穹隨化了衆有歌月春山空

趙名儒

字聖喻一字澹菴蘭溪貢生

登峴

脚底蒼山面面開雲凝霧翳各成堆了知絕頂無他險只是遊人不上來

金

鑑字冰壺一字照堂金華諸生

采蓮曲

蜻蜓上釵犀駭鷄家住藕湖西復西涼風西來打雙槳團團荷葉如人齊葉底鴛鴦低貼水一隊綠雲扶不起繡衣裳擲瓜皮船苦似蓮心笑相似采蓮莫采雙花蓮難把此心輸兩邊東西南北盡魚戲隔水便是參商然紅藕花開白藕小那顧采蓮人易老遊人競唱想夫憐一夜絲霜生曉烟

陳玉瑛

字汝瑩一字潤坡金華諸生

樓上晉曰潤坡工書畫詩尤精麗三娶無子方太學國泰悼以詩云平生三娶婦子性絕未有感此迫中腸遠多所生負嗟哉言哀哀動傷意莫剖翻使白頭親為子哭無後錄此詩見陳之可憫而方之不負死友也

冬日耕田作

天寒風勁欲墮指身不著綿耕白水凍雲連日今始曉凌晨飯牛衝雪起農家世事維勤耕犁向尺地先敲冰敲冰決水水倒涌牛兮掉尾陵風憐冰鋒厲裂牛傷足冬日耕田待春綠春風欲來草萋萋明年我飽汝不飢

何異蘭

字圖木號錦山蕭山人乾隆乙未武科賜進士及第第二人御前侍衛歷官山東臺莊叅將著自

怡

蔡英日桑戎書法絕工茲僅得一書于所書摺扇以見一斑

宿馬頭禪院

禪房清景任盤桓縱有愁心強自寬疲率偷閑眠竹榻老僧
習靜坐蒲團藤花石上秋風冷流水灘頭夜月寒地僻不知
更幾許一聲清磬酒初闌

徐錫禮

字執三號春泉臨安人乾隆丙子舉人官宣化知縣著稻香書屋詩集

遊涪溪懷李七松

并序

涪溪湘江最勝處也七松宰祁陽屬孫壽田繪作長
卷楚中名宿題詠殆盡七松自叙冠之癸未春遣使
持卷索詩於余余之入西粵也由廣州泝灘水至興
安沅湘風景未曾領畧而所謂涪溪者僅於畫圖見
之勉賦長歌徒深神契今春三月七日舟下祁陽避
風沙浦見其林麓秀異詢之舟子卽涪溪也遂策杖
往遊日晡而返而七松之去祁已數年矣悽然感舊

更賦是篇

昔見潯溪圖今泊潯溪浦停橈楊柳陰晴光酣卓午巖根仄
徑通險絕五丁斧斷壁東奔泉泉聲駭哮虎臺榭鬱參差仙
靈分隔戶幽境寂無人靜趣生靈府此中別有天鶯花春一
鳴捫蘿訪摩崖名蹟今快覩中興魯公書新意出雄古題咏
後賢集妍態競飛舞楷模各有神瓣香媚初祖仰止欲追攀
愧我力難努碑盡崖亦窮他山忽軒舉昂首望空際兀然天
尺五履險足易疲策筇興再鼓獨立最高頂楚天歸一俯指
點沅與湘烟雲共吞吐倏爾起驚飈洶湧波濤怒飽帆千片
來萬夫控強弩須臾風亦恬漁村可歷數遙峯鏡裏青峯峯
秀眉嫵氣象頃刻殊滄桑一揮塵太息七松子鳴琴蒞此土
雅化集羣英名山開射圃

上有書院七松重爲修葺

長卷滿琳琅展讀增

離緒幾回夢屋梁猶溯浯溪渚今來不見君愁聽空林雨鴻雁各天涯中情更誰語回首但蒼茫夕陽送輕舫

登岳陽樓

十年漂泊鬢毛斑愁落巴陵夕照間荒隴千秋悲帝子中流一點是君山鴛花無賴春將暮兒女相思人未還明媚風光轉蕭瑟白雲何處是鄉關

張

頤

字又梁號鶴林錢唐人也

張指年曰先君性孤僻信老子言常誦經食淡數十年工書法類鄭板橋且精瘍醫多異方凡奇症無能治者遇之必痊不娶無子以情年爲嗣

咏風和沈雲閣

蕭蕭涼景生因之林壑清驅烟開礪戶卷霧披山楹去來罔無跡動息如有情日落山水靜爲君起松聲

月夜遊雲林同沈雲閣作

散步循西嶺雲林古道場深山原寂歷近樹亦蒼茫月過千
峯淨泉飛一澗涼酒壚無覓處茶話扣僧房

葛

璇字仲達海寧諸生

朱文藻曰摘星工書喜集句館於武林許氏
刻其梅花集古一卷無子有女靜晚亦能詩

挂帆過吳江

解纜復行行沈寥天氣清帆分斜日影雁帶過江聲生計只
如此輕裝又獨征今宵成客夢百感一時縈

吳門歸棹

一片鄉心急水流好山笑我不迴頭扣舷休唱歸來曲怕有
孤征遠客舟

示次女靜晚

妙意超言象悠然會在斯不多吾得句懽喜汝知詩膠滯原
成述清空乃擅奇瓣香應有續還事繡餘時

陳寶霖

字澤圃號白雲秀水貢生著白雲居初稿

沈潛傳畧曰白雲祖堯勛篤學砥行爲鄉名宿以外孫
錢文端公官贈翰林院侍讀學士君幼工詩文端告歸
白雲力申角命作諫果詩有云獻納心猶鐵調和味勝
梅文端歎賞曰此子抱負非常我外大父有後人矣事
母至孝侍母遊京師爲文端公長君汝誠謂之白雲純孝人
也至是違母行三千里外出都門悵悵不能別及之楚
輒憶其母在京師忽墮淚久之臧狂疾洪公送之京見
母無恙痰始愈年四十三卒無子

南湖采菱歌

埜渡風清路不迷歸櫓已過小橋西阿儂只愛湖邊月肯照
鴛鴦一處棲

讀沈虛二詩

兩浙輜軒錄卷三十七葛城陳寶霖

篷窗寂寂水溶溶
月吐秋山意萬重
却羨沈郎新句好
一林黃葉一聲鐘

荷珠

楚岸涼乘薄暮天
旋看翠蓋滴珠圓
風翻亂瀉疑還浦
雨過輕投欲媚川
皎皎底須仙掌捧
纍纍可藉藕絲穿
雖然不及連枝貴
已換青錢疊水邊

徐文心

字寶華號良菴歸安諸生著甲六集

勵同學

進學貴及時
過時難爲力
試望平疇中
秧針含秀色
上農早耘耔
晨興到日昃
嗟彼遊惰農
不藉草其宅
奄奄羨秬中
黃隕委溝洫
秋成八九月
穰穰安可得
鄰家千斯倉
我獨少黍稷
豐歉雖天時
辛苦農之職
慨然悟物理
題詩我心惻

遊城南山

坐卧對南山嵐光落窗几興來忽獨往身入畫圖裏竹樹相
掩映梅花香十里何處清梵發蓮宇空中起孤塔立層巔岩
巖去天咫蒼茫弁嶺東明滅苕溪水四圍列翠屏昏旦變青
紫蘇公弼地來清遠歎無比太初隱南屏掛瓢亦於此高詠
振林巒清風播遐邇乃知名勝區地與人俱美日落晚鐘鳴
沿流采芳芷

舟發胥江

秋雨朝來歇推篷趁曉晴荒邨煙火闊小艇布帆輕路遠疑
無市溪迴忽有城家山今在望前浦月初生

晚霽西溪納涼

喜得驕陽隱暮煙江天散髮興悠然稚孫扶杖才三尺老樹

沿溪已百年白菌若香沙渚外紅蜻蜓聞水亭前涼颺拂拂

波微動坐看餘霞漾滿川

鄭岳字曉閣歸安人著曉閣吟

原悼日曉閣吟存詩不多卷首有姚學塽駢體序畧曰
鸞曉閣唱機雲始是堪旒靡尾清言衛樂方成冰玉自
注云君伯兄柳門先生雅善詩余叔祖秋浦先生家於
詩君外舅也序又云對客揮毫兼工草聖典酬落筆半
倚酒狂遂乃遠從葉舟蒲遊蓮幕一笑相慰遠遊重賦
體于洞庭樓畔已而千里歸來別之詞好句如新無非
病言旋遺篇宛在半是傷離畏別之詞好句如新無非
臨水登山之作輒有鄂不歸茲聚云其生平大致如
此

新秋排悶

爽氣初來暑氣清聊將書卷寄幽情詩憑兒論如師傳負有
妻憐勝友生閑課兒童書姓字悶尋僧舍看棋枰新秋更有
欣然處浴罷綸衣疊雪輕

睡起

四壁秋聲感歲華北窗驚起日初斜夢醒枕畔常難記米賤
街頭却易賒約束麤童刪徑草旋呼稚女削甘瓜紗幮睡起
涼如洗獨倚危欄數暮鴉

雨夜泊小孤山

細雨微風夜扁舟泊岸時畏寒先買酒排悶卽哦詩江濶歸
潮湧燈昏曉漏遲湖山到處好兀坐莫淒其

枕上作

旅館淒涼夜新愁入夢頻事乖常任卜計盡自依人作客鬢
毛改聽人鼻息勻鰕鰕魚目在高枕寄閒身

張廷枚

字唯吉號羅山餘姚

黃璋曰羅山一生苦吟其詩品在梅都官賈長江之間
防於深葦以姚江文獻自任嘉慶元年邑令薦舉孝廉

兩浙輜軒錄

卷三十七

鄭岳 張廷枚

主

方正

旋卒
紫英曰羅山因郡人選刻越風而葺
姚江詩存蒐訪遺逸歷四載而成書

曉起放舟至石堰

孤艇受閒身挂席及清曉初日一輪升薄霧靜如掃曲曲轉
陂塘翩翩趁鷗鳥稻針雨峯齊麥穗四邊繞人家農事勤風
俗遊民少漫說此閒貧洵比他鄉好

秋夜

一燈明復暗山館此時情掃葉蟲聲住推窗鶴夢驚竹搖秋
滿院月直夜三更遙憶重江外歸舟挂席行

胡承謨

字岐峰一字金峯壽昌諸
生著紅葉山莊偶存二卷

方霽翁歸里見寄次韻奉酬

滿灘琴書一鶴隨宦遊初返碧山陲偶辭案牘臨秋水暫狎

沙鷗理釣絲杜老常懷故鄉樂龐公終遂鹿門期巡簷處士
今惆悵梅信遲遲欲待誰

戊子立春日作

春風才入座弧矢喜懸門曉日雪初霽簷梅花正繁紅看燈
穗結噪聽雀聲喧挂眼無餘事含飴擬課孫

釣臺

一竿垂釣萬緣輕碧水丹山老客星富貴著人如中酒子陵
千載眼常醒

彭頭山懷古

祖楚材公別墅

彭頭一角山上構數椽屋巖姿著踈翠湖水皺蒲葢涼蟬語
夕陽好鳥鳴灌木數載客長安夢想故園菊

宋圻安

字臣悅號吉山建德拔貢生

陳輝曰吉山又號雙甫自稱春山樵性英敏詩文頃刻而成莫能與之爭捷者行書小楷絕佳間亦喜作八分工畫捷同於詩家中男婦老幼皆善繪祖載畫松有名康熙間進士為四川眉州知府善繪祖載畫松有陳鴻壽曰余與宋淡人圻高變篤厚君子也工詩文尤精于醫今別去數年矣頗涉懷想吉山蓋其伯兄遺詩尚多惜未從淡人索及也

題遠山畫

春雨洗幽壑翠光流四圍蠶叢遊子驛鳥語野人扉徑以樹深冷帆借雲遠飛便迂不可作何處見天機

遊妙高山

幽境開林壑阜原望鬱蒼好山作屏幃時鳥弄笙簧一水抱城郭萬松岡野塘霏微斜日暮歌嘯滿山房

邵

宸字植九號佩庭龍游歲貢生

春日村居

爲愛村居靜邨夫子亦佳捲簾放歸燕移榻避鳴蛙三月綠
秧水一籬黃菜花尋春有清興無奈雨如麻

張守太

字先官一字建先
號井泉浦江諸生

西湖

載酒來呼渡口船一篙掉入水紋圓鷗藏荷葉齊驚起飛壓
平湖樹樹煙

張

鈐字崑田上
虞諸生

村居

村居最愛老農家女士依依到日斜蕉室瓦盆閑剝芋竹爐
松子自煎茶錦標夾岸靈楓葉雪色連村蕎麥花倘得歸時
營半畝隔林和爾話桑麻

林岳奇

字毓聖龍
泉諸生

經楊仲宏舊居

寂寂秋林烟樹疎詩人曾此築精廬
主持風雅真無愧得助江山喜有餘
修竹猶環元結里平橋長接許渾居
吟魂未必常相戀桑梓空憐剩故墟

蘭溪晚泊

客思兼程急輕橈此暫停雲光浮
岫白山色入船青鸚鵡催詩酌琵琶
傍月聽何當賽神罷風起卽揚舲

曹祖仝

字侶憚號翠屏蕭山諸生著翠屏詩選

蔡英日翠屏喜爲詩自取劍南詩學之嘉慶丙辰學使阮芸臺閣部選輯兩浙輶軒錄翠屏與山陰孫度在輯紹興一部詩館予家北幹閣中共晨夕者累月翠屏搜訪遺佚不辭勞瘁今春移館臨浦忽得疾卒

吳江晚發

村鷄曉曙月將墮江水拍天潮欲來多少綠窗人未起曉樓

燈炮夢初回

尋春

料理山厨治濁醪杏花深處撥輕橈明朝有約呼朋去春在溪南第幾橋

胡振鷺

字雲程一字子飛壽昌諸生

日暮

光景益澄淨輕霞明虛堂鳥飛空翠中蟬鳴夕照傍新月澹如水瓶花靜聞香秋色日以佳晚風增新涼雖居城市中對此清俗腸

方應龍

字夢徵一字尚邨金華人志衡子欽天監天文生著燕臺行草

方應麟曰先兄懷慨任俠所餘資斧悉散諸鄉友之貧者性嗜酒醉後輒謾罵嘗有戒飲詩云罵坐豈滿夫止

酒爲

陶潛

落葉

湛湛長江上有楓寒聲淅瀝已全空
郵亭客據西風上古寺僧歸落照中
無力買山秋已老有心憶舊徑纔通
白雲沿塢人家小窗北遙聞竹一叢

李鵬遠

字羽豐錢塘人
杭州府學諸生

張椿年跋遺詩畧曰羽豐少孤貧母疾終歲艱于舉步
羽豐在幼穉不離膝前天姿聰慧九歲能文既長治生
計夜仍於枕旁閱書有族叔祖名如蘭者秉鐸東陽招
至官齋三年學漸進嘔血卒年二十有四遺詩不可得
因錄舊時唱和之作存之

甘墩村看桃花用芟田韻

春風着意點莓苔桃李無言帶笑開
造物有情山有意年年花發待君來

許丹圻

字對揚海
寧諸生

寄錢秋艇

密密雨千行孤燈枕簟涼西風吹好夢一夜到錢塘念子不得見吟詩空繞牀何時同聚首美酒兌餘杭

蔣元龍

字春雨秀水副貢生

南野堂筆記蔣春雨明經詩情幽峭琢句工雅不由凡近其千金室云云得風人忠厚之旨他句如飲酒誰能如叔也哦松應不負丞哉詩有別才須仗筆卿當獨秀早成家西風一別連青草細雨相思有杏花梅花人日草堂句春水綠波南浦舟愛竹不教先食荀買山何必更求田典半宅如方萬里住三間是陸平原粗織之妙歸於自然僕尤賞其老枕早知秋五字爲得少陵詩法也春雨工繪事嘗以楊梅紫液畫牡丹用草汁作葉錢太傅文端公題曰天然富貴花從此人間重真色丹青不到畫師家春雨自題所繪墨牡丹云云亦殊佳絕

千金臺

當年進食爲王孫一飯千金且莫論似爾區區邀厚祿奈余

兩浙輞軒錄

卷三十七

李鵬遠許圻蔣元龍

六

多少未酬恩

自題所畫墨牡丹

勿論左魏與姚支墨暈春風寫一枝爲有自家真國色不須從俗買胭脂

七月十七日金梧村員外招同戴丈秋堂王次瑤汪芷芬戴晴楓夜泛西湖湖心值雨舍舟登岸造飲酒樓酒半雨止復載酒登舟月出如晝時已更盡涼風颭然水月交映命舟子縱棹所如周覽荷花叢處復沿緣孤山之麓坐放鶴亭上舒嘯久之乃放舟丁家山下待旦際曉忘歸不啻身之在衆香國也因作長歌以紀之

晴湖不如遊雨湖雨湖不如遊月湖批風抹月無不可夜船

載酒相嬉娛峨眉道人真好事發興早在秋山隅速客添衣
向湖渚風水激激吹菰蒲是時斜陽欲落猶未落但見金鴉
摩翅盤浮屠煙鬟峨眉綠如黛擬李大小將軍圖忽然四野
雲山黑一丸冷浸紅珊瑚少焉風起燈光亂滿湖白雨紛跳
珠打門沽酒驚當壚黃昏到店開賓廚客狂不問酒餘幾但
拚一飲飛千觚酒酣雲鬢衆山淨團團月出銀盤孟信知既
雨晴亦好出門大笑催登鱸主人得酒先提壺都籃炙具隨
童奴開樽轟飲飲明月把酒和歌歌吳歛繞船但聞脂粉氣
船頭美人冰雪膚綠雲如黛曉鬟整娟娟羅襪凌雙趺是耶
非耶何翩翩望之見之空踟躕沿綠更入襄湖曲秋聲瑟瑟
鳴蘿蘆夜半登山叫林逋逋不出應山爲呼回頭幾忘吾與
吾有山如此孤不孤客言丁家山更好風裳水佩環仙姝巡

花三嗅繞百巾我比花好花胡盧花爲四壁船爲我芳香入
髓猶醖醕我卧徐徐覺于于東方隱躍騰駿烏欵乃一聲聽
不見仙眉佛髻青模糊嗚呼清景過眼眞須臾恨我不如湖
中鳧出沒花叢無日無

菜花鱸

亦擬持竿學釣翁湖天連日雨濛濛菜花開後魚方上竹箴
香時信早通不識鄉音呼吐捕何須歸計說秋風年來枉作
吳淞夢又悞春帆一片東

秋燕

烏衣巷口冷斜陽爭說當年王謝堂一自梧桐飛藻井漸無
魂夢到雕梁可堪別後星河隔不省來時歲月長只是將雛
隣計拙依栖還繞九迴腸

西風促別暮煙交枉被銜泥附熱嘲何限春心隨絮影強存
軟語在花梢天邊詎少更留八日後難忘已定巢回首繁殘
紅一縷主人恩重忍輕拋

酒旗和吳西林先生

東風搖颺一行斜獵取春光爛不遮幾處題詩誇竹葉有人
扶杖趁梨花小橋流水情無限野店荒村夢愈賒最是殷勤
留盼意白公集裏認仇家

梅花菴訪梅道人墓

昔子志圖畫高士志所好梅花有舊菴遺蹟今始到取徑委
巷先隔河畧約導循廊少佛龕入室得僧憐因之訪墓門寂
歷鄰齋竈斷碣至今存

文曰梅花和尚之塔至正十四年立

過者爲剔掃非無

老梅橫亦有稚竹冒道人往栖遲煙雲供嘯傲生耽文史盟

死愛香嚴蹈躑卜通義文知幾豫定操所以垂高踪自署沙
彌號既鮮往芻蕘亦免肆劫盜想像古橡三再拜為傾倒招
隱洵可懷曠世增感悼招隱今墓門題名斜日落紺牆臨風雀鳥噪

陶

連字夏重號東
離嘉興諸生

南野堂筆記陶東籬有倚幌家家月開門樹樹秋之句
我師沈玉崖先生每愛賞之僕素園納涼云高柳微風
獸暮蟬清涼無汗早秋天最憐倚幌家家月漁笛一聲
何處船卽用其句也東籬中年喪子客死蕪湖其在
信州哭子及寄內詩二作不忍卒讀又郊外開步句云
屋影見疎樹難聲聞遠村過相家湖云收荷秋水鷺疎
柳夕陽蟬寄謝明府云把酒但將杯送老工書苦我墨磨人
勝空輟任贊府云連峯雲氣沈山館百里江聲走郭門
信江舊館坐雨云愁來尚有尋山屐歸去都無負郭田句率
耐人血味

哭子詩

六極我有四汝又凶短折憂釋東門難痛抱西河切心死百

事灰觀空萬想滅秋燈山雨涼顧影憐單子急當返衡茅無人收我骨

寄內

風吹庭樹隔江雲腸斷鳥啼夜不聞老去更無兒在膝惟君憐我我憐君

舫閣懷沈雲溟

舫閣簾開倚暮雲年來僻處避羣氛夜除竹葉無知己春到梅花獨憶君

歸思

林風微颺酒旗斜抱屋寒雲散似鴉紅葉滿山畱不住要歸湖上看梅花

田

粉

字奔雲號秋
嘉興監生

同斤會千歲

卷三

七

陶璉田粉

毛

南野堂筆記秋水負不羈之才老於鄉井與方蘭坻薛
 鹵齋為布衣之交其詩善狀村野景物如黃葉落衣上
 青山到眼前到門皆竹色入座又松聲鳴籬小茅舍眠
 嶺古村莊故人雙鬢雪老屋一燈秋夜來一暖便成雨
 曉起滿谿多落花滿棹白雲鷗一夢半江紅樹雁初飛
 皆佳句也其諫梅云月明疑在水隱後不逢人云云為
 時傳誦又七言詠梅云庭外恍疑
 新月上窗前途是故人來亦妙

十杉亭

園林多古色俯檻小窗連黃葉落衣上青山到眼前亭空能
 受月杉老不知年待約東湖叟同來聽雨眠

普光寺

古寺不知處一聲烟際鐘忽逢荷鉏者遙指隔谿松花徑亂
 紅落山樓積翠濃高僧出迎客橋畔倚枯筇

詠梅

幾樹冷雲白橫斜無俗塵月明疑在水雪後不逢人老幹作

奇態寒花留古春若教煩畫手只恐損天真

哭女

分明色笑夢中迷白日愁聞阿母啼却怪無情雙燕子引雛

飛傍畫簾西

沈世勲

號石臞桐鄉諸生

南野堂筆記石臞閉戶苦吟詩以陶杜爲宗其平時持論嘗曰膚淺繁縟詩之弊甚矣反而求之庶幾其陶杜乎夫冲然而淡曠然而達不事雕琢怡得自然之趣者陶公之真而不失於粗也穿經穴史按時立言繼縣排側必本忠厚之意者杜老之大而不流於郭也若俚與靡則與膚淺繁縟相去幾何僕以爲知言石臞詩佳句如松徑白如曉溪流清到心夕陽猶在樹秋色欲歸禽落日照溪色餘光上我衣初月不終夕秋風無靜林秃樹駭人立怪禽聞夜啼頗盡幽居之概

城南野步

背郭雨初歇亂流明晚霞浦風疎柳岸溪雪漲蘆花漁子舟

爲宅居人寺作家獨行誰是伴佇立望歸鴉

讀賈誼傳

治術休誇第一人漢廷無意重儒臣
長沙久已畱才子宣室何勞問鬼神
盛世生難交絳灌少年死合竝靈均
憐君遠謫誠何事日暮招魂楚水濱

讀平原君傳

救趙兵還仗李同邯鄲一戰立奇功
如何効死沙場士不在三千食客中

春日漫興

寂寂山房長翠苔柴門何事畫還開
也知窮巷無春色恐有貧交看竹來

柴延甲

字少菴號螺峯仁和諸生

錢泰階曰廷甲祖潮生官至戶科給事中父景高官至永豐州知州柴氏爲東城衣冠舊族廷甲負才而不永其年勿克竟共志里中同學多惋惜之

憶厚庵大兄在粵

萬里征塵點客衣嶺南消息雁鴻稀倚閭何限關山恨不爲
純龜也合歸

葉宗舒

字冠位號鶴渚慈谿拔貢生著四明詩存

題邱司馬百十二家墨錄

梁苑風流數漫堂細簾卷處麝煤香而今韻事憑誰繼載石
東偏啟墨莊

瀟灑高懷謝俗塵燕臺相見兩情親篋中不換綾紋刺百種
喻麋最可人

藝苑羣推墨妙宗黑雲落紙走蛟龍我今欲乞淋漓筆好試

兩折齋評錄

卷三十七

柴廷甲

葉宗舒

九

松煙一斗濃

典午聲華滿粵東
新開鈴閣遞詩筒
還應妙選端溪石
鳳咮龍賓一一工

章與會

字聖偕歸安諸生著雋泉詩鈔

章顯會雋泉詩鈔跋略曰余弟性聰穎初就傳經書問難出人意表耽吟咏肆力於詩古文詞及注疏說文句股之學口誦手披恒至夜分不息遂以積勞得嘔血疾日就疰瘠未嘗一日廢書余哭以詩云心惟好學能忘病囊有餘錢但買書盡紀實也

夏夜獨坐聞雨感懷

誤驚秋早至爲感寂寥心急雨鳴窗
竹孤燈伴夜吟登樓王粲賦流水伯牙琴
竟夕添遥思鐘聲遠寺沈

舟中對月

扁舟夜聽榜人歌
一帶溪光得月多
最是天公解人意
好山

不放暗中過

吳兆豐

字瑞徵歸安人著桂馨詩鈔

雨夜

紙窗風雨夜迢迢香冷熏簪酒半消一枕淒涼聽不得落花寒食是來朝

朱韓斗

字公陶歸安人著桑閑遺草

初晴野眺

萬里多清曠斜暉映翠微片帆隨岸折輕鳥帶雲飛嫩綠苔痕潤餘香花瓣肥晚煙林外起野老荷蓑歸

朱

彬字非川烏程人著半溪遺草

雪後集來麟閣

霽色開林表幽人獨閉關來登溪上閣共看雪中山古樹枯

兩浙輜軒錄

卷三七

章譽贊吳兆豐朱韓斗朱彬

藤絡斜陽孤鳥還一聲清磬度誰似老僧閒

吳有榆

字蒼瑞海鹽人著
居易居詩文集

嘉興府志孝義傳有榆至性懇摯事父不違
年適六十依依如孩提幼失母諱日必流涕

讀謝皋羽西臺慟哭記

社稷存韋布悲歌入越來更無唐宰相空上子陵臺蹈海魯
連志從軍王粲才山陽并離黍淚眼總難開

金孝懋

字勉軒仁和
監生德瑛孫

春霧

未成涓滴望依微正值春光嫩綠齊小院暗疑梅雨密平蕪
誰辨柳煙低不愁步屨蒼苔滑只恐看花老眼迷天上曉寒
樓閣迴衍波濺好試新題

金孝純

字粹齋仁和
人德瑛孫

朱文藻曰孝純與兄孝楫孝懋皆總憲檜門先生之孫而不永其年總憲後人皆著籍仁和而家於秀水

書窗獨坐有懷勉軒兄良祚弟

雖不在天涯江湖百里除歲闌猶作客書到未還家酒憶蘭陵美魚知歇浦嘉薄遊寧獲計舊學問窗紗

未起

未起心猶寂初迴夢已空曙光燈影外春意鳥聲中菊枕頻欹雨蘆簾不受風白慙小室賦無復蔡凝工

新涼露坐

小小盆池皺綠漪嫩涼庭院晚風宜人來茉莉香生處秋在闌干雨過時便作東坡瓜子會更催杜老藕絲詞何當自入名山去竹几蒲團靜與期

金德輿

字雲莊號鄂巖桐鄉人官刑部奉天司主事著桐華館吟稿

家傳略曰德輿幼孤節母朱撫育成人七歲能詩潛心金石詩古文詞嘗以三國志判誤東觀漢記後漢書年表補漢兵志唐書直筆舊聞證誤史糾唐史論斷凡八種廣搜善本校付刻劉名曰史翼晚年倚寓西湖與武林諸名士為文酒之會
著桐華館詩詞若干卷
碧谿詩話方蘭坻蕙善畫館於金比部鄂岩家乾隆丁酉吾友胡曉山為子作溪山獨往圖蓋寫子遊梧蒼失道事鄂岩見之屬蘭坻別作一冊贈子且題詩稱尾猶未識面也鮑綠飲俾鄂岩云誓向西湖畢此生無端一語我心驚老輕書畫兼金直死避窮愁兩字名詩卷新排寧有意酒杯笑鄰已無聲道光石火須臾景除是斜陽寫得成

送朱上舍

桐華館之蜀時君將依外舅

分手離亭落照殘春江樹色送征鞍出門端作秦人贅行路
休歌蜀道難浪走瞿塘天外落雲開巫峽馬頭看丈夫自具
桑蓬志愧我苔磯理釣竿

晚步硤石夜宿紫薇山莊

木末亂鴉歸遙山夕陽落攜筇踏崇岩暝色暗山脚上方起
鐘魚鏗鉤出林薄罡風襲征衫微霜濕芒屨遠燈照歸人荒
墟警宵柝山空天益高萬象逼蕭索境清難久居山莊得暫
託同輩酌村醪野蔬進藜藿論詩譏褒并談恐鬼神愕襍被
對匡牀寒輝浸簾箔明當挈侶行遐情入寥廓

響鈴墳

南宋宮人墓在梅里

南渡諸陵草木空一抔猶得瘞蒿蓬荒邱白骨魂休怨去國
青衣恨未窮淚盡銅僊非漢闕歌殘玉樹憶陳宮夜烏啼歇
秋蟲死剩有鈴聲咽曉風

趙忠毅公東方未明之硯歌

銘曰殘月輝輝明星睽睽鷄三號更五點此時抗疏
擊大闕庸則成汝功否則同汝貶研修三寸有七眼

池如偃月狀研爲沈侍御廷芳所藏侍御曾上疏毀

王振祠

研池半規仿殘月鵲鵲眼同星點白摩挲三復讀遺銘知是高陽趙公物幾經兵燹未湮淪開匣光芒燭九旻猶有稜稜半骨在墨花零落曉霜凝嘉朝政績多乖舛委鬼茄花千大典宰輔郎官半義兒緹騎四出成鷹犬尙書氣節獨森然常抱丹心對研田灑灑千言書諫草彤墀拜疏欲回天參橫月落鷄三唱想見揮毫氣雄壯不道天心難轉移一朝遽戍辭天仗萬里龍沙斷客魂祇攜片石伴晨昏賜環有詔君雖惜未生還入玉門此研蒼涼閱人代月暗星移失光彩東陽御史偶得之行篋常留神物在霜飛白簡氣若虹立朝頗有前賢風貂璫死後猶馮魄不許崇祠在域中先後端人手親

撫研兮研兮得所主君不見信國當年玉帶生七客寮中共懷古

書方大仿馬湘蘭畫後

胭脂沈盡墨傳神宛似秦淮舊日春怪底能書王逸少一生低首衛夫人

繡虎軒

蕭齋依舊城南地前度游蹤等絮萍鄉國年華同逝水天涯聚散感晨星檻邊尙記敲銅鉢花底曾經倒玉瓶隔戶書聲頻入座故交有子正窮經

題朱秀才文藻溪山獨往圖

百里雲和縣泠泠山水音裊糧誰與其躡屨獨相尋樹古歸鴉集天低隱霧深前途方陟險暝色又沈沈

不知巖下路空自上峻嶒乘炬欣逢主連牀遠得朋秋霜寒
入枕茅屋夜燒燈行李投何處荒煙隔幾層

題雙青山房話舊圖

有序

雙青山房楊秀才自題讀書處也庭前樹橙橘各一

本與程知事

拱高

衡宇相望文酒留連靡間晨夕子

亦時相過從今知事遠客都下秀才眷懷故舊屬方
丈寫雙青山房話舊圖以志前遊因系以詩

十笏蕭齋背市廛當時文酒記留連憑君寄語燕臺客橘綠
橙黃又一年

題吳秀才繕小桐溪山館圖

君家池館愜清幽花護書堂竹掩樓溪水澄來宜飲鶴塵機
滌去任盟鷗搜羅舊事歸青簡辛苦名山待白頭訪戴他時

風雪裏肯因興盡便歸舟

汪小海招飲湖樓並泛舟遊放鶴亭諸勝

暢好西湖入夢頻重來荏苒幾經春尊前舊雨皆詞客樓外
青山是故人酒趁社公浮綠蟻羹傳宋嫂膾鮮鱗何當日日
湖頭住拚飲循環到禊辰

張二誠由豫入蜀歷攬少室峨眉之勝轉客京師抱疴

歸里作此寄慰

隔歲行踪兩地分江南冀北悵離羣每逢歸雁應思我看到

梅花便夢君消渴秋來同善病詫人海外有奇聞君病瘡甚劇家鄉傳

問異辭昨朝襖被歸鄉國第一須成遣瘧文

西湖寓樓呈趙大

病餘爾我兩忘機西子湖邊靜掩扉雨後青山迎面出風前

黃葉打頭飛廿年遊屐身重到一瓣心香願已違此日湖樓
辛卯冬嘗奉先太宜人天竺進香時味辛同寓湖上

過綠飲村居

豆花棚下結書堂秋到窗前引興長久住漸知耕鑿趣愛閒
翻爲校讐忙偶烹野菽如兼味每借奇書潤薄裘如此村居
良不易勸君何必羨衡湘時君擬作楚游未果

題錢芸叟策蹇尋碑圖

搜奇嗜古本家風雅興歐陽結習同他日書成應自笑十年
辛苦萬山中

秦使君招同人汎舟西溪

不識西溪路看詩常臥遊霜風初作響蘆葉易驚秋影漸羞
青鏡花偏愛白頭使君幽興極暫許狎盟鷗

寺古沿溪轉彎環一水通人行清磬裏秋在岸花中有客將
成別

時吳穀人侍講將之淮上

當杯莫放空筍鞋仍挂壁愁寂是吳儂

穀曰秦小峴觀察招集蘇公祠

任他簫鼓競春城自向蘇公祠下行最是新年饒樂事梅花
香裏拜先生

飛鴻印雪爪痕畱似有因緣七百秋爲政風流今視昔攜朋
重上望湖樓

各峙新祠俎豆馨

龍井有淮海祠

心香一瓣篆煙青湖山自昔無今

古代有名賢地更靈

慧日峯前碧血斑一抔長對好青山

指張忠烈公墓

何時爲立孤忠

廟掩映山南山北間

譚有淇

字衛瞻號橫山桐鄉諸生著橫山遺稿

方廷瑚曰橫山有聲巽序家貧事父母孝母亡哀毀骨立臨終吟云地下自應依老母堂前何以慰嚴親遺稿散失存者十之一耳

冬日

砭骨嚴風入歲闌故園時向白雲看待炊米學顏公乞作客
衣憐范叔寒別夢纔添驚醒易家書欲寄說歸難買田陽羨
何年遂俯仰山中宇宙寬

施

禧初名策字鑑之號澗芝石門監生著澗芝遺稿

方廷瑚曰澗芝幼聰慧能文嗜名人書畫及古圖章遇仕者不惜傾囊購之詩宗王孟畫工蘭竹澗芝有攷

登北高峰

出郭探名勝攀藤絕頂行一峯人獨立萬壑樹皆平江雨沙
頭暗湖雲杖底明因思遊五岳臨眺暢幽情

王

復字敬初號秋暉秀水監生又曾子官假師如縣著晚晴軒稿

畢沅晚晴軒稿序略曰王太令秋塋爲亡友穀原比部
之子髫髻孤露克自恤立讀書負米出遊四方乾隆癸
卯之春謁子青門節署時及門之士若錢獻之洪樞存
孫淵如輩咸集極談讌唱酬之樂秋塋自弱歲及是已
五試北雍不合尺度子有司子因劄薦以佐幕相屈由
秦而豫述宰劇邑公餘之暇猶能不廢嘯歌子曾選刊
才士之詩爲吳會英才集其中皆與秋塋友善
而子嘗有一口之長者秋塋之作亦在焉

丹陽夜泊

十里湖光鏡面平扁舟繫纜近荒城月明漁火全無影夜靜
江濤漸有聲洲畔蘆花寒雁宿樓頭霜落野烏驚誰憐不寐
篷窗客獨擁孤衾對短檠

送邵二雲編修入都

論交半載飲芳醇祖帳新開越水濱海內才名唐制誥膠西
經術董天人扁舟安穩圖書重長路寒暄眷屬親到及六街
春色早編摹藜火夜重陳

題黃小松秋影庵圖

君家西湖濱身在畫圖住青山不用買蒼翠滴高樹疎疎屋
數間結構陰涼處地招十弓寬籬編六枳護窗明復几淨文
史涉深趣漱石細泉流出林幽磬度楓葉半紅黃返照衡門
暮入夜聽蕭騷更續歐陽賦

邗上送帶湖入都

雨窗集朋尊良夜動春酌依依款別情苦語酸辛各二月七
來邗同帶湖集我來月已週後至期逾約帶湖本訂三挾策
飲錢用庵齋中月初過邗將北遊旅館暫棲託江南草初長照眼花光灼相逢佳麗場
藉以慰寥落十年硯席親簡編同考索小技擅詞華務勉去
浮薄娓娓聆清言有如眼刮膜末學求速效專意爭剽掠一
冊寶兔園亦足取高爵文章乏根柢下筆苦冗弱君獨抱遺

經閉戶忘憂樂紛綸井大春辨論逞雄博課實入成均稱名
庶無忤艱難就長途羞澀垂空聚行行勿憚勞雲路好騰躍
客裏重分攜愁縮楊枝嫻後會期來春軟紅插雙脚燕市舊
壚頭預訂酒錢釀

子明歲亦
將北上

六月十一日同錢獻之張鄂樓徐尙之金香涇胡眉峯
陪朱笥河家述庵兩先生讌集陶然亭分體得七言

古詩

蘆荻如潮蕩煩暑吟亭結構依琳宇四圍幽曠風泠然飛遍
黃塵落何所綠雲高樹翳輕陰碧蘚方花燦古礎平臨雉堞
列甌觴遙對螺峯寫媚嫵坐上欣開問字尊簷前恰送催詩
雨宗工當代仰韓歐藝苑同時接稽呂縱談經義交紛綸劇
愛才流盛推許晚涼蕭爽快披襟一片清冰玉壺貯雅集擬

仿西園圖勝遊豈讓東山墅殘蟬斷續曳深叢淡月微茫出
前渚興闌倒載接籬回髮鬢清歌聞白紵

碧漪坊新居觀長毋相忘漢瓦頭拓文

道南新構十笏寬竹林雅集偕追歡積陰乍豁氣芳淑游絲

落絮圍晴欄風流回首企前哲當筵卷石留噴岼

宅向爲譚氏捐石居

竹垞先生嘗讀書於此見曝書亭集

提壺忽聞幽鳥喚食單俊味羅盤餐酒邊

出示漢宮瓦硬黃新拓來長安古文四字辨科斗花聯蔓絡

中央攢似裂冰紋細繚繞疑展鏡影長團圓當時金屋貯嬌

麗應恐捐棄同齊紈重檐一任霜華冷中道毋使芳盟寒

長門寂寞已千載鴛鴦飄墮形成單珠襦玉碗早零落遺茲

沙礫猶堅完沈郎

號腕手慕愛奇古分贈奚啻青琅玕我儕久

要同此意當筵題句爭傳觀詩成如令何買寫八分未學慙

毫端

題趙味辛舍人新校刊斜川集後即用集中次淵明游

斜川韻

爲文早志隱郎官遂歸休數畝營水竹獨作斜川遊庭闕遠
隨侍瓊儋頻遷流五色賦神雀萬死狎海鷗卜壤得古郊負
土成高邱泊焉忘利祿自與淵明儔遺集久罕覩賈本徒相
酬吾友精鑒別剽謝能滄不味辛序云舊本因謝幼槃剽改之人名與叔黨相類宜其集
以欺節槩尙可見湮沒詎足憂好附名父後獲副雞林求

秦長生無極瓦枕歌

牀頭一片瑩琉璃伐檀作架平不欹劫灰遠歷二千載傳是
祖龍之所遺中央四字籀篆古誰其作者丞相斯當年一炬
燒未盡土花斑駁苔紋滋竟體量成只有六形如滿月無纖

虧夜深香燼肱免曲日長吟苦頤還支昔承殿前雨露渥今
偕臥內衾稠移憶昨入關訪陳蹟故宮何處迷荒基吾友錢
之孫淵如癖嗜好沙磧踏遍荆榛披瓦當羅致幾什伯拓文細
釋少闕疑延年益壽紛吉語千秋萬歲多媚辭我時得一琢
爲硯暗窗拂拭同鼎彝豈若此瓦尙完整長生高枕神忘疲
香爇銅雀詎足數刻藤湘竹徒爾爲畱待炎天攤飯好橫陳
配以青奴宜夢到桃源最深處相於更話嬴秦時

孫淵如觀察寄示自濟南之官兗州道中作次韻

排來畫戟淨浮喧驛路陽和未戒寒持節行吟瞻闕里望塵
伏謁笑卑官繡衣喜溢庭前舞書尺多煩帳下看海內才人
齊仰首一時爭羨進賢冠

韓世隆

字閭文慈
谿諸生

題文長洲春溪漁艇冊子

小艇歸何處山重水複中一篙花盡發兩岸路皆通樹色參
差合波光遠近同夕陽邨外淡沽酒賣魚翁

示子

此身甘澹泊弗爲名利縛汝輩只知貧不知貧之樂

烹雪

客來搗庭雪活火沸茶鐺珍重歲寒味蕭閒物外情滌逾古
井水香雜落梅英與我共斯樂茅堂風自清

邵志純

字叔粹號石庵仁和廩生嘉慶丙辰
舉孝廉方正著右庵詩文集四卷

朱文藻行狀畧曰君年十二能詩有大家風度是年患

痘瀕危而獲生作忠應吟二十八補邑諸生越四年食

飭嘉慶丙辰學使儀徵阮芸臺先生以經解十三問課

士君對六書一問深中肯綮諸當事間其學行交薦孝

廉方正方伯謝蘇源先生究心經史之學浙藩官廨西

偏葺治餘屋聚江浙諸名士下榻其中儲書數萬卷相

與參校顏其室曰兌麗軒君與同人分布研席編纂之
勤終歲不輟所著遺稿凡三冊桐城胡維君選其詩文
刻入制科小錄餘藏於家

秋雲

爽氣積蒼昊晴雲紛無窮炎歊不可恃轉眼成秋空朔來登
高閣呵彼心神融涼颼蹴微浪明不迷遙峯有時見蔚藍淡
極翻如濃潭水一爲照澄鮮虛其中我思九霄上雅有神人
蹤御風日來往視下應濛濛當茲秋雲薄相隔能幾重愚者
苦井觀但與墜緣逢凭闌結遙契目盡歸飛鴻

題夜明竹記後

并序

雍正年間宜興邵孝子志珪爲父割股嘗糞父歿廬
墓墓生竹有光久之寂然今荆溪令唐公仲冕修邑
志將表孝子墓竹復有光如前海寧吳丈篤取竹歸

示同人撰夜明竹記屬予手書於冊以徵好事者題
詠焉

吾宗有孝子父病仰天呼刲股供甘甘所望父病蘇或言糞
甜滑難免旦夕徂黽勉取糞嘗淨穢良一如厥後守父墓還
築墓上廬依依不忍去夜夜聞啼鳥久之穉竹生竹中光夜
舒年來已寂然深恐言者誣今春修志乘邑侯尋故墟墓竹
夜復明相待如相須好事吳夫子取竹歸示予入夜滅火看
如螢囊中儲我思古德語心爲萬物初孝子密密行此君默
默乎須知至奇者至庸之所符哀哉世間人不與孝子殊云
何間物我空昧懷中珠

岑溪三賢祠圖爲海昌周松靄

春先生作

民惟上所待聞之張益州德民民斯德仇民民斯仇所以愷

悌風無間遐荒陬不見三賢祠遠在岑溪幽岑溪號難治政

成民不偷長官劉景與于繼者先生周三賢相後先俎豆

光春秋劉于去世遠里居况阻修先生吾杭人雅有縞紵投

側聞解組歸澹然無他求一冊淵明詩什襲同琳球一方湛

然研筆耕逾良疇先生藏有宋板陶詩元耶律文正公硯近遠爭從學列屋東

西頭以此想臨民豈與俗吏侔往見還鄉老或為士論羞宦

成薄青瑣老至吮牙籌居官既不淑居鄉寧寡尤繼未見民

詎何緣興民謳先生身去岑澤與岑溪朗繪圖得倪迂照筆

貽風流祠後山色蒼祠前溪光浮富貴有時盡遺愛無時休

妾入門有序

海昌吳文樵客年六十一因妻病買婢媒者疑丈欲

置妾輒舁良家女來丈一見即以義女畜之時丈有

女已適人矣亟呼歸使同臥處越數月以禮嫁於武
原魏氏相待如舅甥時在乾隆五十八年丈名騫自
號兔牀讀書好古世所稱拜經樓吳氏是也爲作妾

入門

妾入門淚如雨生長本良家家貧難自主拚作先生妾敢望
先生女先生見妾不肯覩自言衰老當爲父呼女歸來相伴
居殷勤姊妹銓前叙此際猶疑夢不真此身恩遇勝生身枯
楊竟斷生稊夢絡秀翻同詠絮人來朝便爲尋佳壻嫁衣一
一從頭製臘月初旬婚禮成彷彿鍾離當日事君不見滄海
潮平有長時人生榮瘁任推移去時兒女來時妾膝下依依
難別離還愁世上公瑜少不盡紅顏薄命悲

于忠肅公手書楚辭天問篇真蹟爲潛德園

庭筠

侍御

作

明政不綱至天順蒼蒼者天那可問奪門論功羣小進伯強
方行惠氣遜于公西市有餘恨公之筆力回千鈞手書天問
妙入神書時土木猶未淪河南山西按部巡書題正統己未
地寸心早已盟靈均觀書尚論公崖畧迎藩之罪奸人託試
問九重孰營度至今翰墨重桑梓忠名彌彰洵如此太息流
光同逝水安在三危與元趾徐石空教冷人齒收藏爲誰潛
侍御我見未曾詫奇遇翻念易儲有諫疏齊息園侍郎朱石
事君尚書皆嘗記其三百年來無覓處此恨茫茫向天訴

倪文貞張忠烈兩公書畫卷爲范丈莪亭永祺題

南都事尙可爲倪尙書語史冊垂南都事不可爲張尙書起
荒江墮爾尙書先後死名節兼通書畫皆倪公畫蘭破陳格

不著繁花著孤石張公手書聞笛詩詩中字字精光射嗚呼
兩公書盡餘事耳長卷裝成誇合美姓氏由來重天壤後人
寶貴良有以盡日空齋把卷看回首春燈與燕子

超塵上人移錫鳳凰山麓之映壁菴菴有小池相傳宋
宮人洗粉處

畢竟金鋪地南朝曾幾時劫灰還石壁脂水獨寒池晝靜江
聲入霜清木葉知歲闌來不厭新得辨才師

由靈隱至叟光

入寺復尋寺穿林上白雲竹窮清磬出磴轉暗泉聞仙佛山
頭共江湖樹杪分振衣發長嘯空翠落紛紛

登淨慈寺無量壽懺堂

古寺南屏勝虛堂傍翠微竹光團佛座花影繡僧衣簾捲湖

一角窗明山四圍茶瓜雨小憩竟日澹忘歸

癸丑立夏後七日桑大雲柯庭樞以西湖修禊詩見示

率成律句報之

春夢無因上酒船多君新句慰枯禪詩來已是清和月禊好
重逢癸丑年千古鶯花催雪鬢一菴風雨展雲箋文章名勝
長相待不見蘭亭序尙傳

寄朱鵬齋

文藻

先生老作濟寧游別後湖山孰唱酬積雨頗憂禾盡沒遠鄉
翻喜麥兼收主人風雅雲林子謂黃都丞小松古蹟蒼茫太白樓定
有豪情消不得酒闌燭底看吳鉤

花朝雨中過陳華南

韶

參軍梅莊分得十四寒

別墅名稱尙溯韓莊爲韓蘄王別墅故址今仍舊題花朝約伴雨中看蘄王

黥業消鹽背仙吏風流息鳳翰水占三分蒸宿潤春將一半
作輕寒無邊盡本兼詩料漠漠烟雲繞曲欄

夏日秦觀察招同華秋槎寶湘濬項秋子游靈隱次觀

察韻

相約侵晨叩寺扉鳴騶入谷曉烟微泉當六月依然冷峰落
諸天不再飛林密幾忘紅日午亭虛惟見白雲歸山靈舊識
秦淮海風葉飄飄款繡衣

邵

南字潔存號漱石仁和
諸生著有漱石吟草

宋大樽曰漱石少孤寄讀外氏執贊
於簪石先生門下故所作悉奉師承

廣德州山行

濛籠烟霧滿空橫得得盤輿破曉行踏遍山前黃葉路隔溪
遙送午雞聲

庚子舟中除夕

碎玉磷磷傍岸流，客中送臘一孤舟。縱然避債臺無恙，不及

寒林古渡頭

張理源

字聖治，號天池，錢塘人。著《天池吟稿》。

春霽卽事

帶酒行歌事息機，疎疎簷滴濺春衣。雲開日脚雨初退，水漲江心帆似飛。密葉著於枝上重，殘花畱在樹頭稀。瘦紅肥綠無人管，草滿閒階獨掩扉。

祝庚輝

原名思，字雙林，號靜山。仁和諸生，著《雨齋吟稿》。

陳鴻壽詩曰：靜山先生注於家，大人爲條嶺鎮學教，氣韻有經濟才，載書最富，吟誦不輟。所作詩集句尤多，精於工妙，無裝點痕跡。余兒時便蒙同土之賞，三十無戚，恐負此期，望矣。

秋夜懷友

月白天高露氣浮空齋寂寞不勝愁閒簾山色來花幔伏枕
湖聲上竹樓林度飛螢深院夜徑栽新菊小園秋故人今夕
誰同醉把酒臨江憶昔遊

秋日過柳氏莊

卜築湖濱得勝觀橫雲萬葉出檐端水亭夜靜海潮急板屋
秋深山雨寒薄放菱租捐鶴俸閒臨鷗渚把漁竿門開波影
搖空碧倒映晴峯入畫欄

送元庵大兄之粵西用陳竹厂韻

西粵需良史王程萬里通旌懸梅嶺月帆挂桂江風苔染櫓
柳碧蕉藏蝙蝠紅雁行愁欲判小住醉花叢

秋興集唐二十六首 選人

斷雁驚愁眠迎秋簾色鮮清光疑有露涼冷漸無蟬鳥影沈

沙日螢飛透水烟更疑天路近月落搗衣邊

杜牧白居易張祜錢起

僧栖白張籍孫逖崔珣

山窗滿翠微斜竹漏疎暉燕拂青蕪地雞鳴白板扉樹寒栖

鳥客月出釣船歸自有閒行伴穿花露滴衣

錢起白居易李咸用張籍

司空曙王維白居易元稹

林嶂碧雲生山橋樹杪行巖懸青壁斷野闊白煙平海日潮

浮曉江船火獨明吟餘何所憶月下引清聲

錢起王維李益杜甫

陳子昂僧貫休李咸川陳季

風起艸堂關巢空宿未還夜聞寒雨滴朝步落花閑客路青

山外人烟綠嶼間身心無別念一釣紫菱灣

范傳正朱慶餘王綸孫逖

韋應物李白賈島錢起

烟景澹濛濛樵間一逕通涼風移蟋蟀疎雨滴梧桐日落看

歸鳥烟昏叫斷鴻隔江何處笛高韻入寥空

白居易 馬戴 李 白 李咸用

張喬 孟浩然 韋莊 李德仁

數處橋爲洲羣峯抱沈樓山隨平野盡月湧大江流遠照雁

行細荒林虎跡稠淮南一葉下如報杜陵秋

張九齡 許渾 李 洞 張 祐

李 白 杜 甫 許 渾 于武駿

愛竹嘯名園風窗竹暗喧古房關蘚色夜雨長谿痕鳥啄林

梢果僧敲月下門幾家深樹裏遠火點江村

李 白 宋之問 喻 龜 賈 島

鄭 巢 許 渾 鄭 畋 岑 參

幽迳人青氛晴霞島樹分僧歸夜船月火吹隔溪雲蘿幌栖

禪影簷峯下鹿羣心源無一事寒瀑別家聞

姚 合 張 喬 王 勃 岑 參

張 祐 戴叔倫 喻 龜 張 翥

早雁拂金河桐花識鳳過嶂昏巫峽雨木落洞庭波舊廟青

林古前山黃葉多會吟廬岳上尋迹到煙蘿許渾楊巨源

唐希謙詩渾賈島陸龜蒙

馬以智字遵一諸暨監生

戴殿海日馬遵一生有至性潛心好古惜未竟其業中道徂謝所著詩文稿藏于家

采蕘篇

采蕘在山岑采蕘在山塢昔與采蕘偕今與采蕘侶采蕘身
既勞采蕘心更苦上山采一網下山采一簣朝出露滿林暮
歸月臨戶采采不得休切切向誰語采蕘莫為衣采蕘宜為
茹嘗膽味若飴君王倘如許

晚泊吳江望洞庭諸山

空林風色靜孤棹暫時停雲暗迷吳苑霜高山洞庭水分三
峯白山約數峯青不是嵩工指誰教醉眼醒

何聚焱

字燦若諸
暨諸生

登暨陽城樓

勾無百雉越南偏景物蕭疎感昔年
浣水暗分茅渚外蘿山
濃繞夕陽邊寒燈疎雨西施宅
白舫烏篷少伯船最是慢空
添容緒滿城飛絮五湖烟

吳

溶

字逸鴻號笠江餘姚恩貢
生著求艾錄冬園詩草

偕諸霞衢邵藉安過南樓

爲踐南樓約江風吹我行山空雲有影
葉脫樹無聲話舊人
情改談元意氣平寺僧勤款客倦聽晚鐘鳴

俞思敬

字恪然號一軒
新昌拔貢生

趣織

籬邊趣織最關情正值中宵白露橫
金井夜闌音斷續玉階

秋曉韻淒清天涯不盡王孫別屋角空教嬾婦驚催促西風
啼更苦琴絲寫入一聲聲

方承傑

字維傑號心山金華監生

梅花詩用東坡松風亭韻却寄

東風裊點三家邨月明林下來芳魂依山枕水一千樹此境
不數桃柳園城樓吹角夕照墮暗香拂拂天黃昏標格直在
魏晉上甘從冷落儼春溫霜雪滿林蓓蕾破丹砂玉屑明朝
嗽去歲看梅在南麓攜酒獨叩高人門之子不見負幽賞領
得花意幾忘言今日却和尋梅作還舉修竹開芳樽

方國昌

字春元金華人

方國泰曰先兄嘗於秋暮得句云素娥懸夜出紅日共
西沈陳南池先生見之謂人曰詩以言志勿尚蕭索此

子於下永年
從年十六

寄衣曲

窗雪霏微夢梅好雲沈風勁江楓老珠簾繡幙峭初寒手褶
征衣寄長道細意熨貼縫初成縫痕直與淚痕傾黃榆紫塞
縈心曲白首紅顏慘別情欹枕欄杆纔觸夢意托迴紋款鸞
鳳徐淑恩情曳緒微羽仙刀尺憑衣送歸來盼盼念瓜期一
曲歌傳君莫悲但教歲弄梅花笛如絲心向東南飛

李賢希

字聖之
東陽人

仙人洞

非烟非霧隔天涯洞裏居然帝子家別有春光關不住雨餘
流出碧桃花

盧

楓

字陸雲東陽人
著丹崖學草

金華詩錄雙鳬浴洲渚一雁飛伶仃十字陶
絕丹崖喪妻神傷不久隨卒二語竟成詩識

方集樂方別日李賢希盧楓

行行白雲頂

行行白雲頂俯矚紅蓼汀雙鳬浴洲渚一雁飛伶俜樹翻
落葉曠野煙冥冥朱華缺圓影秋蘭氣已馨一杯聊共醉薄
言采芳苓采采興不盡山風吹酒醒

月夜登婺州城

高城千里月籠沙隔岸煙邨四五家幾點寒煙醒客夢百年
世事作飛花愁心遠落青山外短篷空吹碧水涯已識此身
難潤俗醉看江柳帶風斜

陳廷瓚

字會瞻號霜竹又號松莊
上虞拔貢生侯選州判

西別

共有湖山興鶯花處處畱無端賦歸隱從此引新愁別路千
峯暗江邨五月秋奚囊詩句滿珍重載扁舟

沈心醇

字勉尊海寧國子生官
未從蘇丞著初齋詩鈔

朱文藻口號尊工詩兼擅金石之學从客
京師與名公卿往還翁閣學覃溪尤重之

古意

聚聲若飛蠅營營亂人性而我處塵囂頗有山林興觀書識
淵深焚香覺清淨潛龍貴自藏飛鳥畏人競何物全爾真開
尊問賢聖

莫舜謫

字來白山陰人
著來白山人詩

同朱孟浦教授遊靈隱寺

精藍依舊結名山樹色蒼茫窺靄間坐聽泉聲飛絕壁行穿
松影度禪關鹿眠澗底幽成夢僧定巖阿靜得閒向晚欲尋
歸去路萬峯深翠一溪灣

汪名達

字以芳號曉峯金華貢生官湖州
府學訓導著來青閣詩鈔八卷

陳廷璣沈心醇莫舜謫汪名達

夏炳傳略曰先生幼穎悟從祖謹堂先生在其家共奕
令賦之即口集毛詩四十韻謹堂奇之錢稼軒督學兩
浙奇其文仰撥入數文書院肄業山長齊次風及杭董
浦皆器重之其學篤於經史百家以其所得發為詩古
文造司訓吳興與諸生較厲士習為明體
達用之學暇則與一二同志扁舟茗雪間

湖中小集送葉子端植

負笈當時心豈謂有爾汝方結文字交已入金蘭譜聚處良
可欣分手得毋苦窄窄瓜皮船打槳日未午對景覺春殘雜
花鬪寒雨投壺箭激濤酌酒杯汎浦離離松上雲札札岸旁
鷗一鷗摩天翔雙鳬浴波怒臨池浪久翻搗簪花先吐但聯
膠漆情氣味等蘭杜何時西子湖連牀還叙語

倪鳳儀 字虞賓金華人著鏡菴草

雨中過太陽嶺

宿雲欲歸山雨足尚未住標峯插元昊猿鳥愁難度我憩半

山亭我伴已前路拾級百尺峻不覺入雲霧石磴寫流泉界
道懸瀑布山巔梵宇壯旅行未遑顧途逢饑餉者冉冉來何
暮問將何所之云爲征人哺嗟我昌亭客一飯憑誰餽虞卿
日擔簦相如枉徒步且耐山中行亦得山中趣

曾嘉祉

字聖錫號省齋金華人

方國泰墓志銘略曰聖錫天性醇篤喜讀書不省家人
生產三旬九食歲以爲常衣履至快踵擊肘絃歌不綴
卒時年三十妻裴氏貞淑能安貧夙知書謂聖錫曰
螢映雪古人非假此以駭人聽蓋自有志也人不立志
何以爲士君請勿以貧累心宗黨賢之

書李白集後

建安以後推青蓮豪情逸氣何翩翩筆底居然走靈怪驅雷
鞭電談神仙霎時斂才心霽怒雲開雨止春嫣然當其酣飲
騁變化心可得喻難言詮少陵兀傲自千古論交翻在諸公

前楚筵梁獄具隻眼忠義藉與人間傳我讀是編起三歎爲公更憶開元年

吳

植

字槐原號培園東陽諸生

登八詠樓

嫠宿熒熒耀入荒樓當分野竦危梁文章今尙懷金馬風雨前曾奉玉皇遽喜三年遲建武誰從七月問隆昌兩溪剩有浮家在咄咄無煩晒壽光

曹冲抑

字敬豫號春帆嘉興人國子監生有淨香亭吟稿

靈芬館詩話春風爲曹仲梅先生令嗣播染見聞枕藉子史父子兄弟自相師友爲詩冲和淵雅有王謝子弟意清氣善病竟不承年未見其止吾黨共惜然詩有仙心語無塵俗雖仲宜體弱要非塗澤剽盜者所可望見也

掛帆過臨平

放櫂臨平路看山晚更幽帆輕舟轉穩風急水分流遠樹消
殘雪清談豁旅愁一樽村落酒淺酌聽吳謳

懷郭十三頻伽

鶯花滿眼最宜詩陶謝同游畫舫移湖上青山江上月懷君

又是餞春時

頻伽有西湖餞春圖

野步望城西諸山和晴綠韻

行吟少儔侶花時常閉關小樓獨上恣遠眺高峯窈窕雲門
山雲門遙隔杳難數樹梢瞥見雙烟鬟嵐重嶂疊互環抱經
旬雨漬苔紋斑平生雅想巖壑趣我身自比閒雲閒春光如
此且行樂攝衣散步期追攀樵歸遠嶺帶暝色與劇未逐飛
鳥還芒屨他日踏翠磴探奇那怕脚力孱今且夜遊待新月
坐看輪影斜松間清光萬里天一碧長歌相和開心顏

月夜

雲淨無痕碧彩流
鉤簾坐對小庭幽
沉吟遠客東西路
倒影仙人十二樓
且把一尊娛此夕
更期三徑話清秋
烏篷放入南湖去

鏡湖一百頃空明盡興遊
名南湖

喜雪舟弟至

綠遍池塘草連宵
夢阿連鵲聲沿岸
樹帆影渡江船
悵別春將暮
邇來月又圓
西陵風阻處
知爾有新篇

白蓮

占斷潏鮮萬柄欹
田田已過納涼遲
舟移綳浪輕風裏
人倚疎簾曲檻時
淨洗麝襟空色相
靜臨秋水見丰姿
素衣獨秀淩波影
不染汙泥一點緇

晴綠以詩寄懷次韻答之

傍檐深樹綠雲遮客去甘畱舌本茶今夜論詩牀外月半簾

風亞蜀葵花

風雨交情重笠車他年好共卜鄰居紙窗竹屋挑鐙夜掛壁

秋琴插架書

和晴綠臥聞雨聲韻

稠疊新梧葉分陰綠過牆雨聲茅屋靜花氣北窗涼說餅情

偏洽裁詩興轉長一鐙風幔底今夕話連牀

金光烈

字佑人號齋堂又號金粟嘉興諸生普金粟詩存

李唐芸傳畧曰金文學金粟貌豐厚性胸擊事親孝母病劇深夜瀕天願減已算延母年母旋愈弟煥出爲人後同居共炊友愛無間言歲科校輒前列餽于庠尤爲學使阮宗伯所賞壯歲出游得山水之助詩文益工竟以疾亡

漁父

仙源莫問武陵遊，浩蕩生涯伴野鷗。
寒雨白蘋孤棹遠，亂山紅樹半江秋。
閒過笠澤吟漁具，夢到桐廬冷釣裘。
只合蒹鱸添小社，煙波一幅寫滄洲。

銀河篇

井梧葉落秋風起，碧天夜靜涼如水。
箕南斗北火西流，耿耿銀河千萬里。
仰視流光照女牛，雲車羽葆幾經秋。
素影遙連鳩鵲觀，清輝先入鳳凰樓。
鳳樓鵲觀宵還曙，一水盈盈不可渡。
縹緲如聞玉宇笙，高寒下滴金盤露。
誰家機杼動離情，天漢無聲似有聲。
蟋蟀階前霜乍冷，芙蓉塘外月還明。
關山萬里同今夕，惆悵河梁終歲隔。
天上虛傳織錦梭，人間那得支機石。
奉使尋源憶漢家，客星遠訪徧天涯。
若能井絡西邊去，試泛張騫八月槎。

射鵬

渭城獵騎出晴皋
秋勁盤鵬肅羽毛
飛鏃影過平楚疾
彎弧響入暮雲高
黃榆風急迴霜翮
青海沙明耀錦袍
猿臂論功應有日
漢家都尉莫辭勞

題唐子畏秋山策杖圖

振策探幽逕
翛然靜者流
青山茆舍晚
紅樹板橋秋
載酒陶公興
尋詩謝監游
雲烟欣過眼
勁筆壓文仇

畫手論前代
清狂有六如
酒人餘翰墨
名士半樵漁
寫出尋山侶
真宜結屋居
桃花懷舊塢
風物亦蕭疎

過公荆殯所

棠梨落盡雨霏霏
杯酒空澆宿草非
此日青山鄉獨往
他年白首我同歸
花村雲暖雙鶯語
麥隴春深一雉飛
風景自殊

人不見迴舟猶有淚沾衣

擬盧子諒時興

四運如鱗次星火更素商凝霜露蔓艸零露被我裳安期不
鞭越叔子鎮襄陽兒寬最衆賦朱邑思桐鄉居無赫赫名去
後薦不忘惜哉功未建自曰忽西藏抱杖臨清渠流目窮遐
荒靈靈歲來逼撫景恒慨慷

周

璜

字次珩仁和

湯禮祥曰次珩少孤露其父青原先生官四川彭水知
縣歿王事次珩能砥行讀書欲以功名自奮惜年未
四十而歿讀述懷二
詩不啻夢蓼莪之什也

述懷二首

先人有著述哀然充棟宇細字錄蠅頭正譌別魚魯憶昔游
滇南事蹟探奇古採輯羅羣書一一手自補年月編千秋甲

乙標兩部一朝捐館舍劓劓未及覩畱以待後人所望在繼
武豈知不肖軀樹立慙門戶欲謀付棗梨有志力難努此願
遂何時展卷輒自憮

上堂拜老母母老兩鬢霜執手撫兒背憐兒何羸尪聞言淚
潛墮氣結語不揚因之嘿自念終夜心徬徨古人重色養菽
水娛高堂白華潔晨膳春酒介壽觴吾生命不辰蚤歲遭父
喪顛連萬里道扶櫬還家鄉悽悽守一瓊年已三十強謀生
苦不早羞澀空甕囊有母缺甘旨顯親安所望瞻彼庭前樹
有時鳥來翔母病鍛其羽飲哺賴子將物類有至性對之摧
肝腸人也烏不若何地以自藏

葉

槐

字蔭階號慧田錢塘人陝西投効
縣丞嚙雲騎尉世職入祀昭忠祠

秦瀛撰葉槐傳畧曰槐父文麟官陝西漢陰通判權孝
義川同知教匪事起槐聞警省視旋投効軍營丁巳正

月勦賊於光頭山師還隨通守至孝義防禦賊不敢犯
明年正月奉檄守鍾頭關在援西鄉城固洋縣又從昭
壩平定關各路迎擊遂逐賊出魏川截殺至盤屋魏縣
而還再援孝義未行分兵擊西路賊擒數百人既抵境
破賊前隊明口復殺賊百餘人得
旨嘉獎後入貲為縣丞己未當就選偶不欲遠離通守仍赴
營投効十二月二十七與知縣陸維基往洋縣防堵
道經手板崖遇賊陣亡其歿之前夕在帳下作家書因
賦絕句詩寄其兄有死得嘉
名亦苦辛之句明日遂戰歿
陳鴻壽曰葉君忠節之士詩筆雖近
粗豪當在國人文存詩之例不可沒也
已未十二月廿六夜寄伯兄心畔

躍馬橫戈繞戰場身經百鍊已成鋼三軍若果聽吾令誓戮
鯨鯢報

聖王

卅九年來志未伸而今捧檄慰嚴親回思利鏃穿纓日死得
嘉名亦苦辛

錢開仕

字漆林嘉興人乾隆己酉進士官檢討雲南學政

襄城道中

雲影全收雨意銷
遠山鬱鬱水迢迢
多情誰似襄城柳
直遞蟬聲過潁橋

桃花源

百丈銀泉練影長
漁舟何處問津梁
人居巖洞衣冠古
路近仙源草木香
世外誰能分魏晉
山中幾見改滄桑
桃花流水尋常事
只隔青溪便渺茫

度辰龍關

絕壁巉巖出磴通
身輕穿破翠玲瓏
人行霧靄烟霏裏
秋在蟬聲燕影中
纔過雨天凝遠碧
未經霜樹逗輕紅
蠻民共識昇平樂
誰記當年轉戰功

八月十四日四鼓自澱江啟行天明抵呈貢縣遇大雨
歸人促嚴裝起視夜方半揚鞭出郭外星月光粲粲長空掃
霧霾一碧澄河漢吟哦夢寐間句讀旋復斷有如御風行身
世雨浩汗晨光透熈微入耳雞聲亂黑雲變須臾急雨灑瀾
漫水從平地生陡作望洋歎肩輿似扁舟出沒蘆花岸乃知
造化奇一境苑枯判竹裏有行厨風晏炊烟散

余

煥字用文號板制又號眉石錢鼎人

陳鴻壽曰板制同風骨簡上學問淵雅為學使來石君
先生所賞以固士目之深于許氏之學篆刻甚精

靜夜思

孤燈照寒窗澹焉忘所思攬衣起徘徊微風入羅幃寒蟲鳴
雜響空林聞流澌明月出東海勢與浮雲飛慮靜神以閒心
曠物自遺願得斗酒來收次斟酌之李白死千載此樂誰復

知

懷陳雨川

昔別在南郊悲感一何深徘徊溪路側撫景愴我心亦知當
久離不意忽至今至今遂所懷索居已三春別易會而難未
知更何辰修竹多悲風幽澗多浮雲人生能幾時奈何輒離
羣願得十日飲叙此平生親

同姜二毓英登小有天園琴臺

橫山接繡屏空臺構層巖古來此登眺不知今幾賢夕水微
風生白鷺下翩躚寒烟護平林白雲出空山俯仰集清興幽
懷契遙天何以寫我懷寄之管與絃管絃奏哀吟在昔聞米
顗只今惟殘碑欹斜豐草間林壑自今古我輩非長年日落
風林寂空歸幽澗泉

陳

琪字其玉號花農乾隆乙卯

張禧年日華農早失怙恃叔父養餘翁撫之好讀書不
事嬉戲所居在清泰門內與余祖宅相去一牛鳴地養
餘翁與先君子最契厚華農亦朝夕過從問詩問字無
虛日歲甲辰先君子遷移莫定遂契潤迨甲寅余館城東
餘翁亦叠遭鄰火遷移及華農相晤後華農傾鄉薦成進
汪氏始得與養餘翁及華農相晤後華農傾鄉薦成進
士入翰林授編修以少詹視學湖南旋卒于官

秋樹讀書樓題壁

窗外雲山送遠青蕭蕭紅樹俯烟汀分明秋水無邊意領取

南華一卷經

寒花珍重爲君開響滴槽牀琥珀醅終日閉關因頌酒滿階

黃葉少人來

柯

觀字大嚴仁

陳鴻壽日何大嚴爲顧泮
周先生靖廿四歲而歿

次黃相圃贈別詩韻奉寄一首

把酒與君別，茫然辭故里。身逐北行舟，心寄東流水。夢寐見
情親，相思何日已。昔奉君子塵，分得陪履屐。文章合交遊，願
以金石擬。豈知同林鳥，分飛從此始。欲得遠來書，烹盡溪中
鯉。

春夕

初月上檐角，林堂生峭風。鳥歸寒霽外，人語落花中。簾影邀
虛白，杯光泛小紅。清游須秉燭，况與素心同。

相圃移家西城，用樊榭先生韻作移居詩，余歸自顛邱。

奉和四首

選一

聯牀一昔愛晴餘，已分如鴛戀鵲居。蹇足自驚催得得，喬枝
渾未識渠渠。素心晨夕牽歸夢，舊雨東西剩敞廬。聞說子猷

還種竹待予同看石潭漁

二月春風已放顛十分歸興挾飛仙卽煩燕寄雲中信更倩

帆張天上船檢點石苔容緩步掃除塵榻待酣眠淵明三徑

依然在手辦連宵泥酒錢

趙之鳳字凡仲一字象六

孫星衍曰竹葉爲索門先生中子工詩畫尤精篆書爲人沈酣好鍊鑪戶讀書壯歲早逝弟之琛從余遊出其遺翰良增厚惜

養蠶婦

江南養蠶婦日夕不得息指望養蠶好首蓬面不潔蠶壞心
冲冲蠶好憂亦迫蠶當大眠後蠶飢待葉食葉貴厭蠶多蠶
婦向蠶泣蠶婦雨莫泣蠶收利不入辛苦賣絲歸公私償不
及

魏

械字周士號荏塘翁

魏成憲曰先兄資性穎異幼有奇童之目詩才敏捷不假雕琢惜不永年未竟所學予爲輯其遺稿藏于家

遊雲棲塢

選勝夙有願雲棲夢願繞出郭不憚遠餘春事幽討未信入
山深漸覺逢人少竹陰二三里曲徑香篆裊空濛嵐翠霏林
隙江光小況逢新雨霽谷泉飛百道苦茗淪更清於此洗塵
抱偶坐盤石上却倩松枝掃林僧乍款客經樓指煙杪

舟泊兼葭里

平生愛浮家苦憶汎深雪溪游及秋杪微霰訝飄瞥皚皚白
滿川知是青蘆拂界破寒水灣吹斷涼雲末似花似雪間淺
淡烟痕抹移舟起清響沙雁一行出晚風花亂飛冥濛不可
說野岸寂無人惟見釣船歇我亦宿孤篷鷗夢共清絕夢醒

如剡溪船背落寒月

月夜寄陸丈後飲

磯風吹空林。颯如雨聲碎。不知一片月。已上茅亭背。開軒秋
氣深。澄輝降藹藹。遙山白于曉。烟重失翠黛。翛然悄無言。凭
闌靜相對。懷哉陸天隨。荷竹境如在。停琴想孤吟。花叢轉幽
靄。

初冬艮山門外寫望屋樊榭雪後沙河龍

帆暎淡無暉。霜氣在林木。楓葉微有烟。十里紅黃屬。岸轉卧
危橋。沙河清一曲。層譙帶遠山。山翠落漁屋。蘆深雁宿雪。水
寒魚上竹。煙火數家村。茅茨頗幽獨。隣機響相荅。香飯炊乍
熟。思與農丈人。日夕此間逐。

新晴

暑雨初晴後涼風乍拂時濕雲歸岫急殘滴落堦遲鳥鳴喧
初日蜘蛛理舊絲小齋清興洽河朔可相期

趙之榮

字信叔一字
信斯錢州人

龍神廟探桂

問訊黃龍語來參無隱禪人遊衆香國秋在晚涼天
纔砌飄香雨忘言飲石泉雪眉應夜至欲去重畱連

吳師澄

字晴綠嘉興人
生善靜吉居稿

何起瀛曰晴綠詩才賦手妙絕時人余每過山陰學署
談談發不倦越中倡和一冊與中表春帆曹君近作也
清華朋潤同工異曲余以偶語跋尾乃春帆
昨夏去世晴絲今夏亦亡不勝人琴之感

安平泉

山腰安隱寺寺門跨山足門前安平泉泉脉孕山腹方塘漱
苔石淵深自洄洑松風巖際來吹縐半池綠泠泠寫跳珠濺

濺激鳴玉發蒙山下出習坎地中伏縈紆屈曲流一涔倏渟
蓄伊昔開鑿初運化想亭毒如何水高下未入品泉錄倒影
淨若鑑徹底淡可掬圓庵結銷夏靜對却煩溽澂微堪洗心
清泚亦悅目大瓢貯月歸雅懷緬玉局古壁詩尙存殘碑剔
蘚讀斜光冷樹杪疎鐘度崖曲候客楞伽僧竹鑪茗初熟

西陵舟次寄萊峯從兄

握手清遊興未孤遡歸陡覺壯心辜客中鐙火僧樓共盡裏
山川越國殊淪落聲名仍席帽饑驅風雪又江湖獨來小謝
投詩驛草色池堂綠蕖無

喜雪舟至

吉語芻尼送燈花隔夜開河橋分袂後風雨渡江來話舊欣
同榻青山其把盃殷勤白團扇淡墨寫疎梅

時以執扇索
雪舟畫墨梅

春帆招同范四古蘋黃五勾湖訪天池山人青藤書屋

故居

綠陰深處重欄凭靜想高人下榻曾室有山人自舊徐子下榻處賀表一

時傳白鹿遺居終古艷青藤香飄秋架繁英重青藤以秋潤初試花

浥天池止水徵更約新涼攜酒榼醉看瓊珞挂層層

厲志補字鐵周錢塘諸生

李堂曰先生為厲太鴻徵君猶子為徵君後稟承家學亦工詩坎壈一生終於絕旅居城東倉巷歌扇三楹庭竹蕭然全嘗於冬夕訪之挑燈淪茗談詩至夜深始別余作二絕句贈之先生和答藏余帙篋屢見續香嚴詩社有詩二三首餘俱散佚不傳

允升晚過小齋茶話以詩見投次韻奉答

自有高懷不計貧風光領畧待閒身彌天暮靄詩情遠柱頭

頻勞問字人

噤瘁寒來歲序更雨無塵裏十分清試嘗茶乳低回久只有
吟聲與竹聲

郎開泰

字氣征仁和廩
生著燕山雜咏

紫丁香

庭前無雜樹斜立一枝芳色艷遙疑綬姿清別有香緞纖殷
月榭燦燦耀晨粧不讓魏家種春風獨擅長

白丁香

窗外花如雪丁香燭漫開坐遮芳樹色身置白雲隈瑣細風
無定玲瓏月漸來春裝隨意發種玉已盈階

送友人南旋

羨君先我來北風騁騎赴金臺羨君先我去就荒三徑無猶
豫富貴不足慕貧賤不足悲人生貴適意何用久羈縻漠漠

征車歸故國湖山縱酒快題詩

金熙泰

字春帆桐鄉諸生

方廷珩曰春帆爲余總角交尊人綢性至孝父喪哀毀
致疾卒母張氏青年守志課子成立春帆七歲卽嫻聲
律有移居四律步其母夫人之韻者極見賞于袁簡齋
先生句如窗外安排新竹几檐前移置舊簾鉤燕歸故
壘逢新主人對斜陽隔盡樓秋柳句云剩有殘絲裊河
畔可能還似舊風流皆剛雅可誦十七歲補博士弟子
屢試高等卒年二十有二

將去桐鄉畱別諸友

數點寒鴉選樹枝扁舟歸去夕陽時故人分手情何限旅客
關心夢獨遲相約前期須努力何當異日共論詩桐溪笠澤
無多路常寄雙魚慰所思

塢射圃夜集

樹影濛濛罩暮霞闌干影轉月光斜酒闌池上徘徊久香氣

不知何處花

附附軒錄卷三十七